

Beta Jawaan Hota Hai

Mesum Abbas

Tarap Ke Laashaey Akbar Pa Bolay Sibte Nabi
Hamare Noor E Nazar Ko Lagi Nazar Kis Ki
Sitam Ghareeb Musaafir Pa Ye Mazeed Kiya
Batao Kisne Mere Shair Ko Shaheed Kiya

Sina Kalaije Pe Akbar Ke Maarne Waale
Sina Kalaije Pe Akbar Ke Maarne Waale, Pata Hai Kis Tarha Beta Jawaan Hota Hai

1.Baray Hi Naaz Se Paala Hai, Ye Jawaan Pesar
Ye Mere Ghar Ka Ujaala, Ye Mera Noor E Nazar
Ye Mera Hasliyon Waala Riyaazon Ka Samarâ€
Lahu Main Dooba Hua Airiyaan Ragarta Hai, Sina Kalaije Pe Akbar Ke Maarne Waaleâ€

Pata Hai Kis Tarha Beta Jawaan Hota Hai

2.Ye Meri God Mai Quraan Ki Tarha Rehta Tha
Ye Noor Banke Meri Aankh Main Chamakta Tha
Ye Saaya Banke Mere Saath Saath Chalta Thaâ€
Meri Sada Pe Na Koi Jawaab Deta Hai, Sina Kalaije Pe Akbar Ke Maarne Waaleâ€

Pata Hai Kis Tarha Beta Jawaan Hota Hai

3.Ali Ki Betiyaan Jhoola Isse Jhulateen Theen
Hijab E Noor Mai Lori Isse Sunaateen Theen
Janab E Umme Baneen Iske Naaz Uthaateen Theenâ€
Aur Ab Hussain Yahan, Iski Laash Uthaata Hai, Sina Kalaije Pe Akbar Ke Maarne Waaleâ€

Pata Hai Kis Tarha Beta Jawaan Hota Hai

4.Jo Bachpane Main Pakarke Ye Mera Haath Chala
To Haath Uthaake Isse Di Thi Zindagi Ki Dua
Khabar Na Thi Ke Mujhe Ye Bhi Dekhna Hogaâ€
Ke Aaj Haathon Pe Akbar Tera Janaaza Hai, Sina Kalaije Pe Akbar Ke Maarne Waaleâ€

Pata Hai Kis Tarha Beta Jawaan Hota Hai

5.Batao Tum Main Koi Ho Jo Saahib E Aulaad
Jawaan Laal Ho Jismain Hai Vo Hi Ghar Abaad
Sitamgaron Ne Kiya Haaye Mera Ghar Barbaadâ€

Hawaaye Zulm Se Ghar Ka Charaagh Bujhta Hai, Sina Kalaije Pe Akbar Ke Maarne Waaleâ€

Pata Hai Kis Tarha Beta Jawaan Hota Hai

6.Hamare Seene Se Nikla Hai Dil Lahu Rota
Aur Apne Khaime Se Nikleen Hain Zainab E Kubra
Najaf Se Nikle Ali Aur Madinay Se Nanaâ€
Jab Iske Seene Se Barchi Ka Phal Nikaala Hai, Sina Kalaije Pe Akbar Ke Maarne Waaleâ€

Pata Hai Kis Tarha Beta Jawaan Hota Hai

7.Salaam E Aakhri Mujhko Kiya Tha Jab Isne
Na Pooch Hamse Ke Aaye Yahan Pa Hum Kaise
Kabhi Uthe Kabhi Maqtal Ki Khaak Pe Hain Girre
Zaeef Baap Se Ye Gham Kahaan Se Uthta Hai, Sina Kalaije Pe Akbar Ke Maarne Waaleâ€

Pata Hai Kis Tarha Beta Jawaan Hota Hai

8.Hua Hai Nauha Jo Mesum Teri Zabaan Se Ada
Ye Josh E Giryaa O Matam Bata Raha Hai Raza
Ke Nauha Sunne Yahaan Agaye Mere Maulaâ€
Har Ek Zabaan Pe Akbar Tera Hi Nauha Hai, Sina Kalaije Pe Akbar Ke Maarne Waaleâ€

Pata Hai Kis Tarha Beta Jawaan Hota Hai

Lyrics Submitted by Ali tahir

Lyrics provided by
<https://damnllyrics.com/>